



Br: 02-02-9-1037-5/21  
Sarajevo, 27.10.2021.

N/r načelnika

**PREDMET: Poziv predstavnicima lokalnih samouprava za učešće na webinaru o digitalnoj transformaciji i korištenju digitalnih alata za pristup međunarodnom tržištu, u okviru projekta "DigiTools"**

Poštovani,

Vanjskotrgovinska/ Spoljnotrgovinska komora Bosne i Hercegovine objavljuje početak implementacije projekta **"DigiTools - Razvoj digitalne promocije i alata za bh. mala i srednja poduzeća za pristup međunarodnom tržištu uz podršku bh. dijaspora"**, uz potporu projekta **Dijaspore za razvoj (D4D)** koji je projekat Ministarstva za ljudska prava i izbjeglice BiH i Vlade Švicarske, u partnerstvu sa UNDP BiH i IOM BiH.

Jedna od aktivnosti projekta je organiziranje **webinara za prijenos znanja i iskustva** za bh. kompanije iz metaloprerađivačkog sektora o digitalnoj transformaciji i korištenju digitalnih alata za pristup međunarodnom tržištu.

Na webinaru je predviđeno i **učešće partnera iz lokalnih samouprava (općina)** koji učestvuju u projektu D4D, kako bi stečena znanja koristili za osnaživanje kompanija koje posluju na njihovom području, te ih mogli uputiti na adekvatne izvore informacija o tržištima i savjetodavnu podršku u procesu digitalizacije.

Webinar će, u okviru prve sesije, učesnicima ponuditi nova znanja i informacije o korištenju digitalnih alata za istraživanje tržišta i **pronalazak potencijalnih kupaca/ partnera na ciljnim tržištima**, sa posebnim fokusom na digitalnu bazu podataka D&B Hoovers. Učesnici webinara će dobiti korisne informacije o mogućnostima koje pruža ova baza, te savjete na koji način mogu specificirati svoj zahtjev kako bi dobili kustomiziran izvještaj u odnosu na njihove potrebe. Također, ekspert VTK/ STK BiH će prenijeti iskustva u davanju ove usluge članovima Komore u prethodnom periodu, sa konkretnim primjerima zahtjeva i izvještaja koji su pripremljeni za pojedine bh. kompanije, a sve u cilju njihove kvalitetnije pripreme za nastup na ino-tržištima.

Drugi dio webinara usmjeren je na prijenos znanja i iskustva o **procesu digitalne transformacije, digitalnom prisustvu, te najnovijim trendovima i naučenim lekcijama - sa fokusom na metaloprerađivački sektor**. Ovaj dio webinara održat će ekspert iz bh. dijaspora koji će prisutnim učesnicima prenijeti informacije o pozitivnim učincima digitalne transformacije na resurse kompanija, sa posebnim osvrtom na alate digitalnog marketinga i efekte korištenja istih na izvoznu prodaju.



Nakon održanog webinar, a na bazi kriterija projekta, uslijedit će odabir 2 firme koje će koristiti konsultantsku podršku eksperta iz bh. dijaspore u izradi digitalne marketing strategije u periodu novembar-decembar 2021. godine.

**Webinar će se održati 8. novembra/ studenog 2021. godine. Detaljan program webinar bit će Vam naknadno dostavljen. Učešće na webinaru je besplatno.**

Molimo Vas da najkasnije **do petka, 5.11.2021. godine** putem e-maila na adresu: [lejla.mededovic@komorabih.ba](mailto:lejla.mededovic@komorabih.ba), potvrdite Vašu zainteresiranost za učešće na webinaru i dostavite ime, direktan e-mail i telefon predstavnika koji bi sudjelovao na istom.

Nadamo se da će i ova aktivnost pobuditi Vašu pažnju i interes, te Vas srdačno pozdravljamo!

S poštovanjem,

 **DIREKTOR**  
Enes Ališković